



Universitätsbibliothek Paderborn

Theologia Moralis Universa

Ad Mentem Præcipuorum Theologorum & Canonistarum, per Casus practicos exposita, nunc quartò ab ipso Authore revisa ... & in 4. Tomulos sic divisa, ut pro libitu in duas aut 4. Partes commodè compingi possit

à casu LXXVI. usque ad Casum CII. inclus. Materiam de Beneficiis Ecclesiasticis, de Sacramentis in genere, & in specie de Baptismo, Confirmatione, Eucharistiâ, Pœnitentia & Indulgentiis

Jansen, Leonard

Coloniæ Agrippinæ, 1753

VD18 13475452-001

Casus Cl. De Satisfactione Sacramentali.

urn:nbn:de:hbz:466:1-39838

C A S U S C I.

De Satisfactione Sacramentali.

ONESIUS CONFESSARIUS. 1. Quandoque imponit pœnitentibus opera alias debita. 2. Aliquando nihil. 3. Quandoque pœnitentiam publicam, perpetuam, improportionatam. 4. Quam pœnitentes vel non acceptant, vel ex parte omittunt. 5. Vel persolvunt per alium absque reflexione ad Sacramentum. 6. Vel diu differunt vel non implenti die statuto. 7. Vel ejus obliviscuntur. 8. Vel permittunt, aut mutari faciunt à Confessario. Pro Resolut.

1. QUÆR. I. Quid circa satisfactionem Sacramentalem?

¶ Seqq. 1. Per satisfactionem hic intelligitur passiva, seu pœnitentia à Confessario injuncta, quæ debet esse opus pium, laboriosum, pœnale & medicinale præservans à relapsu; quamvis per se imponi possit opus ex alio præcepto debitum, v.g. Missa die festo; id tamen sine causa fieri non debet, ne pœnitentiæ vilipendantur; effectus pœnitentiæ est remissio pœnae temporalis ex opere operato, est ejusmodi satisfactionio pars integralis Sacramenti, in vim cuius operatur, ideoque plus valet modica pœnitentia à Confessario imposta, quam magna (poterè assumpta, Palud. Laym. c. 15. nn. 14. Quantum verò de pœnis temporalibus remittat est incertum, dicendum remitti pœnam majorem vel minorem proportionatè ad opus satisfactorium,

&

& dispositionem satisfacientis, quia si parva satisfaction ex opere operato remittat aliquid pœnæ, utique satisfaction major remittet plus, cum secundum se totam sit virtute clavium elevata. Deinde Sacraenta conferunt gratiam secundum majorem vel minorem dispositionem subjecti, ergo & sic loquendum de satisfactione.

2. Confessarius pro gravibus per se loquendo obligatur sub mortali imponere pœnitentiam, eamque pœnalem, & medicinalem pro qualitate pœnitentis, ejusque criminum, *Trid. sess. 14. de pœnit. c. 8.* Ratiō est, quod Confessarius vi officii sit Judex & Medicus; ergo tenetur malefacta vindicare, & morbis animæ obviare, quod fit per pœnitentiam congruam. Dixi 1. *Pro gravibus* quamvis enim aliqui cum Suarez. exigant sub mortali impositionem pœnitentiæ etiam pro levibus, id tamen videtur nimis rigidum, quia *Trid. sumit obligationem ex eo*, ne Sacerdos fiat particeps peccatorum, quæ ratio non obligat sub mortali respectu venialium. Deinde positio partis integrantis, qualis est satisfaction, non semper requiritur sub mortali, ut patet in *Judicio forensi*, in quo Judex non videtur graviter peccare, si pro levi crimine non imponat pœnam. *Metzger pag. 435.* hæc tamen intelligo secluso contemptu, qui vix aberit, si scienter & datâ operâ omittatur. Dixi 2. *per se loquendo*; nam si pœnitens ob angustias mortis, vel aliter nullam pœnitentiam implere posset, eam quis frustrà imponeret; in dubio injungendum est minimum quid, v. g. ut corde, vel voce exprimat nomen JESU, aut internè suspireret ad DEUM, offerat dolores infirmitatis, &c. ubi tamen notandum, si gravia peccata habeat,

in-

injungi debere præter pœnitentiam levem, alias graviorem conditionatam, casu quo convaluerit, vel eleemosynam, si eam facilè dare possit per se vel per alios; Aliqui dicunt, non opus est pœnitentiâ, si pœnitens lucretur Indulgentias plenarias, vel Jubilæum, aut sit perfectè contritus; sed oppositum est tenendum: nam præter quam quòd incertum sit, an plenè quis lucretur Indulgentias, vel habeat contritionem sufficiëntem ad delendas omnes pœnas temporales; Sacramentum sine pœnitentia non erit integrum, cum satisfactio sit ejus pars integralis ex institutione Christi requisita.

3. Pœnitentia debet esse proportionata peccatis, & pœnitenti non nimis gravis, ne pœnitens desperet, neque nimium levis, ne contemnat, & gravitatem suorum scelerum non agnoscat. Accipe verba. *Trid. l. c. Debent Sacerdotes Domini, quantum Spiritus & prudentia suggesti, pro qualitate criminum & pœnitentium facultate, salutares & convenientes satisfactiones injungere, ne si forte peccatis conniveant, & indulgentiam cum pœnitentibus agant, levissima quadam opera pro commissis delictis injungendo, alienorum peccatorum participes efficiantur: habeant pre oculis, ut satisfactio, quam imponunt, non sit tantum ad novæ vite custodiam & infirmitatis medicamentum, sed etiam in peccatorum præteriorum vindictam & castigationem; attamen cæteris paribus satius est excedere in misericordia, quam severitate; non debes imponi pœnitentia publica, nisi forte aliter publicum scandalum reparari non possit, neque pœnitentia perpetua, quamvis levis v. g. indies tria Pater & Ave, quia per talem nunquam obtinebitur integritas Sacramenti, nec*

tenebitur pœnitens eam acceptare utpote irrationabilem; optimum erit pœnitenti imponere, ut in ea materia abstineat à licitis, in qua perpetravit illicita, v. g. divitibus, avaris, injustis, optima satisfactione est eleemosyna, quia pecunia talibus est causa pravorum affectuum; caveat tamen Confessarius, ne sibi aut suis eleemosynam applicari velit, alias seipsum de avaritia suspectum reddet; contra peccata carnis valent macerationes corporis, jejunia, cilicia, vigiliae, &c. contra iracundiam, odium invidiam, &c. proderunt humiliationes, petitiones veniae, actus charitatis erga proximos; contra acediam & omne vitium juvat frequens confessio & communio, examen vespertinum & diurnum, quotidiana & sèpè reperita proposita cum dolore.

4. Pœnitentia imponi debet è præcepto, non è consilio tantum, quia hæc utpote arbitrio pœnitentis relicta, probabilius non habet effectum ex opere operato, nec integrat Sacramentum; hinc quamvis subinde juxta sententiam oppositam, quam tenent quidam apud Mastrum, aliqua solum de consilio peragenda imponantur seu potius consuluntur, aliquid tamen semper imponendum est de præcepto, quod etiam fecisse censetur S. Franc. Xaverius, & alii Sancti, si legantur ipsi pœnitentiam egisse pro pœnitente, gravis pœnitentia mortalibus debita potest imponi sub levi; si nihil dicat Confessarius, censetur obligare graviter vel leviter juxta qualitatem materiae.

5. Oratio pro defunctis vel aliis injungi quidem potest, quia est per se molesta, & actus charitatis, attamen consultius judico saltem aliquid imponere in satisfactionem pro peccatis propriis,

ad

ad eum enim finem primarió pœnitentia instituta est.

6. Recidivis ultra pœnitentiam consultò injungitur , ut quoties tale peccatum commiserint, toties elicto priùs dolore , aliquas preces vel mortificationes peragant usque ad novam confessio- nem , item ut manè & vesperi propositum renovent. *Platel. Henno, &c.* hæc autem potius dentur è consilio quām sub præcepto. V. quædisi
c. 99. q. 9.

7. Nulla est mensura pœnitentiæ , legē Divinâ aut Ecclesiastica taxata , unde relinquitur pruden-
tis Confessarii judicio , habitâ semper ratione con-
ditionis , ætatis , sexûs , valetudinis , &c. quis
enim imprudentiæ non accusaret Confessarium ,
qui non aliud injungeret m̄ litibus , quām Reli-
giōsis , robustis quām infirmis , &c. interim pro
gravibus peccatis per se & communiter grave quid
semper est injungendum , alias timendum , quod
Trid. suprà inculcat , ne peccatorum alienorum
Confessarius particeps efficiatur , eo quod sic gra-
vitas peccatorum mintis apprehendatur , occasio-
nes & pericula non satis gnaviter evitentur ; & ip-
simet pœnitentes scandalizentur , si ex respectu
humano videant secum nimiūm conniveri . Prop-
ter jam dicta , graves peccatores , quibus propor-
tionata pœnitentia dari non potest , utiliter mo-
nentur pœnitentiam non esse sufficientem , ipsos-
que , quod superest , soluturos in hoc vel in alte-
ro mundo usque ad obulum . Juxta multos pro-
mortali justa est pœnitentia Rosarium , aut quid
æquivalens , attamen hoc universaliter non teneret ,
peccata enim , quæ omnino deliberatè fuit , viden-
tur mereri quid gravius , præterquam , quod atten-
dere oporteat ad conditionem & statum pœnitentis .

g. Po-

8. Potest minor pœnitentia injungi ob varias causas. 1. Ob debilitatem, aut aliqualem impotentiam in pœnitente. 2. Si sit extraordinariè contritus. 3. Quando lucratur indulgentias. 4. Quando sic allicitur ad frequentiorem & utillem confessionem. 5. Si dubium sit an profutura vel obscura major pœnitentia, &c. pro levibus non est difficultas, partim quia non sunt materia necessaria, partim quia probabiliter non est gravis obligatio aliquam pœnitentiam pro iis imponendi, communiter datur miserere, s'. Pater & Ave, &c.

9. Pœnitens tenetur, per se loquendo, suscipere, & persolvere pœnitentiam à Confessario rationabiliter impositam ; ratio est, quia Confessarius eam ut judex justè imponit, & Sacramentum sine ejus persolutione non est completum ; ergo pœnitens tenetur eam persolvere, adeò, ut omittens gravem materiam pro mortalibus impositam, v. g. confessionem, Communionem, septem Psalmos Pœnitentiales, Rosarium, jejunium, Officium B. Virginis, &c. peccat mortaliiter, nisi forte simul decem, vel plures Communiones, aut Rosaria imponerentur ; tunc enim unum omittere probabiliter est tantum veniale, quia unum respectu decem videtur pars exigua ; quod si quis omittat pœnitentiam levem impositam pro mortalibus, vel etiam gravem impositam pro venialibus, aut mortalibus ritè confessis, peccat tantum venialiiter, est communis, & ratio primæ partis est, quod materia levis ex communi sententia non sit capax gravis obligationis. Secunda pars inde probatur, quod judex debeat pœ-

G g nam

R. D. Jansen Theol. Moral. Tom. III.

nam commensurare delicto ; si ergo delicta sunt
venialia, etiam obligatio ad pœnitentiam debet
esse venialis.

5. 10. Pœnitens per se loquendo debet pœnitentiam
persolvere in propria persona , & quidem
cum intentione satisfaciendi , seu cum aliquarum
flexione ad Sacramentum , & impositionem Con-
fessarii , ex communi tamen non requiritur status
gratiæ ; prima pars patet ex Propositione 15. ad
Alexand. VII. damnata : *Pœnitens propriâ au-
thoritate sibi substituere potest, qui loco ipsius pœni-
tentiam impleat.* Dixi per se loquendo ; nam si
Confessarius consentiat , aut opus ab alio factum
censeatur fieri ab ipso pœnitente , ut eleemosyna
data per servum , pœnitentia per alium impleri
potest. Secunda pars probatur , quia satisfactio
est pars integralis Sacramenti : ergo debet fieri
cum reflexione saltem virtuali ad Sacramentum.
Tertia pars constat ex usu timoratorum , quinulam
sibi conscientiam faciunt ex hoc , quod pœni-
tentiam persolvant in mortali , nec assignari po-
test ulla lex in contrarium.

6. 11. Si Confessarius nullum tempus determi-
navit , debet pœnitentia impleri primâ occasione,
quâ commodè potest. Differre pœnitentiam inci-
dicinalem sine causa ad medium annum , juxta
communem est mortale ; purè pœnalis seu vindicativa
saltem ad mensem differri potest sine mor-
tali , quia non videtur Confessarius ad hanc ad eō
strictè velle obligare ; quod si pœnitentia impo-
natur cum determinatione diei , v. g. jejunitum in
vigilia alicujus Sancti , expirante die non expirat
obligatio , nisi Confessarius substituerit aliud opus
faciendum casu quo primum tempore präfixo non
persolveretur , quia præsumi non potest , quod
Con-

Confessarius velit Sacramentum manere incompletum, quod fieret, si desineret obligatio omnis pœnitentiæ.

12. Qui oblitus est pœnitentiæ, debet, si potest, interrogare Confessarium, si non possit, non tenetur de novo confiteri eadem peccata, quia ab iis est directè absolutus, & talis obligatio sufficienter probari non potest, sed satis est confiteri negligiam, si quæ intercurrit.

13. Pœnitens non potest spontè pœnitentiam mutare, sicut reus non potest mutare pœnam à judece impositam, nec subditus mutare præceptum Superioris; alias enim die festo Missæ possem jejunare, sed pœnitens est reus & subditus in judicio Sacramentali: ergo neque hoc potest secundus Confessarius, nisi de iisdem peccatis pœnitentia audiat, quia judec non potest agere super causasibi incognita, & ad judicium suum non perlata; potest tamen id Confessarius primus, modò peccatorum (pro quibus pœnitentiam impoluit) adhuc meminerit in confuso, quia judec, qui pœnam imposuit, potest agere de ejus impletione, vel mutatione.

